

C V D

A I G G


1 6 0 4

D. 4. 58

~~oo hi~~
oo sp

949.
~~N. 3 248 X~~ ^{1/2}





A
4
Ein newe Liedt/

Darinnen ver-

meldet vnd angezeiget/ was
für Städte / Flecken / Schlösser /
Clöster vñ Dörffer (Herzog Heinrichen
zugehörig) die Bürger aus der Stade
Braunschweig mit irem Kriegs Vold /
gephündert / was sie darinnen geraubet
vnd weggebracht / auch was für vnchrist-
liche Thaten sie bey demselben getrieben
vnd außgerichtet. Welches gesche-
hen im Sommer / dieses noch jet
lauffenden 1602.

Jars.

Von einem Fürstl. Braunschweig-
gischen Soldaten gesagt / vnd in
Druck gegeben.

Im Rhon:

Wach auff mein Herr / sey wolge-
muht / etc.

Gedruckt im Jar M. DC. II.

3.

1.
Erbomb vnd getrewe Vnterthan/
Die sol man billig loben/
So nach Gottes Geboten ganz/
Nicht wüten vnd nicht toben/
Der Oberkeit gehorsam sein/
Vermenden ire Straff vnd peyn/
Thun kein Auffruhr erwecken.

2.
Solchs lobt ein jeder frommer Mann/
Der Christlich ist gesinnet/
Vnd nicht hat ein verwirren wahn/
Wie man dann ist wol findet.
Gottes Wort auch solchs haben wil/
Wie man list in der Schrifft gar viel/
Vnd Paulus davon lehret.

3.
Es ist kein mahl zu aller zete
Solchs einem wol gelungen/
Der sich mit grosser vppigkeit
Anders hat vnternommen/
Gott hat Dbrigkeit eingesetz/
Wil sie auch haben vnverlegt/
Das wirstu teglich innen.

4.

Wil-

Wiltu gerne Exempel han/
Wie es den ist ergangen/
Die sich also aufflehnet han/
Wieder ire Herren lange/
So sich du an wie Bardewick
Die gewaltige Stadt in einem freude/
Gar zerstöret ist worden.

5.

Gende in Flandern die stadlich Stadt
Mit seinen Gesellen allen/
Solchs auch im werck befunden hat/
Das sie so hoch gefallen/
Auch komm vmb all gerechtigkeit/
Vnd stehe in eusserst dienstbarkeit/
Dessu hastu mehr ohn massen.

6.

Das soltu Braunschweig haben bedacht/
Mit Christlichem gemühte/
Wie du dich so hast auffgelegt/
Wieder deins Lands Fürsten Güter/
Aus vbermuht / tron vnd muhtwil/
Hoffare vnd ander vntugent viel/
Ihm gehorsam enzogen.

7.

Du meinst du wollst ein Freystadt sein/
Vnd

Vnd deinen Herrn verwerffen/
Dem Keyser vnterworffen sein/
Das wird er dir recht scherffen/
Vnd lehren wie ein Vnterhan/
Bey irem Landes Herrn sol stan/
Vnd in nicht so verkeisen.

8.

Bedenck doch wer dich hat gebawt/
Vnd anfenglich fundiret/
Wie man iso die Stadt anschawt/
Mit freyhaiten gezieret/
Das habn gethan die Herzogen
Zu Braunschweig, vnd jr Voreltern/
Das magstu eben wissen.

9.

Die Landes bürden mit zu tragn/
Thut dir noch ist obliegn/
Bey im lieb vnd leben zu wagn/
Wollest sie wol lieber betriegn/
Vnd den Kopff aus der schlingen ziehn/
Gerne ein semper Frey Stadt sein/
Wird dir abr nicht gelingen.

10.

Du hast gebraucht finankeren/
Vnd gar weidlich geschmieret/
Nichts

Nichts vnterlassen an liegeren/
Damit dein sach gezeiret/
Du hast damit offtmals erlange
Vey Leuten gunst/ vnd sehr geprange/
Zum verdruß deinem ErbHerren.

11.

Da abt sein ans Licht gebracht/
Deine Lügen ohn massen/
Deine sachen erst besser betrachte
Wit vermunnste ohn vnterlasse/
Hat sich befunden dein falscher berichte
Zu Prag/ vnd auch beyr Cammergericht/
Damit du dich geschmücket.

12.

Wie dir dis nicht gelungen ist/
Aus gutem rechten grunde/
Hastu bedacht aus falscher list/
Gesagt mit herz vnd Munde:
Wir müssen einen Krieg fahen an/
Mit Reutern vnd Knecht zu Felde stan/
Vnd im zum verdrag zwingen.

13

Nun hört ferner was sich begibe/
Ihr fromen Christen Leute/
Groß reuberey vnd steln geschicht/

Das

Das sie bekommen beute/
Zusamen bringu sie Reuter vnd Knecht/
Nicht achten sie obs gleich vnrecht/
Sie thunes in alles wagen.

14.

Beringen solt geben sie in/
Thun abr darbey erleuben/
Damit zu nicht zuschwer möchte sein/
Ihrs Herrn Landt zubetrüben/
Die Hanefedern vnd Hanerey/
Ioh Gefind vnd jr Companey/
Kommen alda zusamen.

15.

Erst haben sie gefallen an
Wendthausen das Gerichte/
Welchs sie vom Herrn zu Lehn han/
Wieder jr trew vnd pflichte/
Habu sie das Haus gerissen ein/
Das es nicht mehr Herrn Lehn solt sein/
Kirchn vnd Schulu nicht verschonet.

16.

Die Kelehe dazu die Patene/
Habu sie Kirchreubrischer weise/
Daraus genomn vnd bracht von hende/
Das war die erste Keisez

Die

Die Tauffe habn sie abgeriffn/
Fenster in der Kirchen außgeschmissn/
Sinds nicht Teufflische Knechte.

17.

Nach Bettmer sie sich auch begeben/
Mit irem gansen hauffen/
Alda geübt Reuberisch lebn/
Darnach in Braunschweig gelauffen
Dem Vogt habn sie das sein genomn/
Dem Pastor nicht geschafft viel fromm/
Das seindt sein Kriegesleute.

18.

Zu Scheppensiedte in der Stadt/
Nach Barbarischen sitten/
Habn sie geobt ein Ritter that/
Dhn all vernunfft vnd wise/
Thür/Dische/Bencke groß vnd klein/
Fenster/Ofen alls ingemein
Berhawen/zerschlagen/verdorben.

19.

Speck/Butter/Keß/das liebe Brod/
Kleider/Linwand vnd Würste/
Auch was sie haben an Haufgeradt/
Hat alles mit gemüffet/
Küh/Dhfen/Pferde/Schaff vñ Schwein
Bier

Ziegenböck / las dir das wunder sein /
Müssen mit in weg tanzen.

20.

Die Fesser mit Bier im Keller gelegt /
Mit grosser kost vnd wärden /
Sein alzumahl in stück zerhackt /
Das Bier schendlich verdorben /
Brawpfannen gestoln / Brawbüttig zer-
(schmissn /
Vnd habn darzu ins Mehl geschissn /
Pfüe dich du garstiger Reuber.

21.

Der Kinderbetterinnen Kranck /
Habn sie gar nicht geschonet /
Die Bett vnterm Leibe weg gelangt /
Den Pfarherrn sehr verhonet /
Sein Buch genommen sein Kleid geraubt
Meinten; solchs wer in alls erlaubt /
Vnd weren Herrn im Lande.

22..

Das ist alles in Braunschweig gebracht,
Zu den Rebellschen Leuten /
Die solchs im hohen Racht bedacht /
Zu erlangen gute Beute /
Darzu den andern Vutertanen /

Ihre

Ihr Haab vnd Naruag genommen an/
Vnd allein zu hantieren.

23.

Sindt auch gefallen ins Halberstedtische
(Stiffe

Zu Weberling im Flecke/
Vnd da außgossen iren Giffte/
Landt Reuberische Leute kecke/
Darnach das Haus genommen ein/
Alles zerschlagen groß vnd klein/
Weder Priester noch Weiber verschonet.

24.

Was massen sie daselbst gehauft/
Das Freybeutrische Gesinde/
Vnd wie sie auff der Brück gemauft/
Ganz grausamblich ohne ende/
Das hat gesehen manning chrlich man/
Welchen die Trenen in die Augen gan/
Vnd solches hoch beklaget.

24.

Nicht außgesaget werden kan/
Mit schmerzlichem gemühte/
Wie gros Tyranney sie han gethan/
Die reuberischen Leute/
Was in vorkommen alls zerschlan/
Eül/

Stül/Benck vnd Thlr in stück zerhawen
Die Speise mit Füßen getreten.

26.

Das gute Closter Marienthal/
So billig privilegiret/
Hat auch müssen herhalten all/
Mit Gelde sich Rancioniret/
Aber gleichwol all ire Schwein/
Müssen mit an dem Tanke sein/
Vnd auch Braunschweig beschawen.

27.

Bardorff dein schön Vieh vberall/
Wo ist doch das hin kommen/
100. vnd 20. Rühre an der zal/
Haben die Buben genommen/
Darzu die Stude an Pferden schon/
Wie sie von Fürsten Heusern gan/
Haben mit in müssen reiten.

28.

Nach Grafleben vnd Querenhorst/
Haben diese Landfriedbrecher/
Getragen nicht geringen Dorst/
Wie Gottes Wort verechert/
Weiber geschene/ vnd Pferd erwische/
Dieselben mit den andern vermische/
Vnd zu den Rebellen gefüret.

29.

Nicht außzusagn wie schöne beut/
In Rühen/Pferden vnd Schaffen/
Sich hat bey den Rebellen ereugt/
Die sie zusamen gerapffet/
Fürn Pferde drey Thaler/ fürn Schaff
sechs Grossen/
Zwey Thaler für ein Kuh vnd Ochsen/
Hat man zu der zeit geben.

30.

Es sol abr wünschener mancher Mann/
Ders also hat gekauffet/
Er hette solches nachgelan/
Dessu nicht zu sich gerauffet/
Solt lieber fürn Kuh zwanzig Talr han
geben/
Fürn Schaff zehn / fürn Pferd dreißig
darneben /
Wöcht ja wol besser bekommen.

31.

Weiter sindt sie auch fortgeschritten/
Die Rühdiebe mit iren Gesellen/
Hinnauff bis gen Steddelimb geritten/
Umbgeben mit Strassreubers Felde/
Dasebst auff etlich Dörffer herum/
Alles

Alles geraubet vmb vnd vmb/
Viel Menschen da betrübet.

32.

Was sie zu Steuderburg geübt/
Davon ist nicht zu schreiben/
Manch Closter person sie da betrübet/
Mit vnzucht vnbescheiden/
Was da gewessen jung / alt vnd Lahm/
Ihrn willen habn sie volbracht daran/
Für scham darff ichs nicht all sagen.

33.

Gewagt habn sie es ferner hinnaus/
Noch etwas mehr zusuchen/
Nach iren Teufflischem sauß/
Mehr Rüh zustelen vnd zurauben/
Ins Fürwerck für der Best gelegn/
Haben sie sich dörffen begeben/
Ist in abr nicht gelungen.

34.

Darnach ins Ampt Lichtenburg genand/
Vnd dessen Dörffer fünffe/
Habn sich die Strassenreubr gewandt/
Dieselben auch geplündert/
Ein stadlich anzal Zeug erschnapfft/
Darin Schwert / Schaff vnd Pferd er.
(tapfft/ Und

Vnd in die Stadt geschlepffet.

35.

Solchs alles ist von ihm geschehn/
wieder Gott vnd alle Rechte/ Dawieder
keinen Menschen geschn/ so für die Ar-
muht sechte/ sie habens ohn widerstande
gethan/ darumb sie auch auff solcher bau/
wel rauben vnd plündern können.

36.

Aber manziger bedageter Mann/ auch
vnter den Rebellen/ die den grossen Raub
gesehen an / hats sehr vbel gefallen/ ge-
sagt mit Thärnen zu dieser frist: Den
armen Leuten zuviel geschieht/ vom Raub
vnd KriegsLeuten.

37.

Dann sie leichtlich Rechnung ge-
macht/ es wolte vber sie aufklauffen/ was
sie vbels habn vollbracht/ mit den reu-
berischen hauffen/ Da sie dz lose Gesinde
geworbn/ damit Landt vnd Leute verdor-
ben / vielleicht müssen sie bezalen.

38.

Einmahl habn sie gar prechtiglich/
mit den aus Fürstlicher Veste / Die da-
mahls

mahls sich gehalten Ritterlich / wieder die
Stedtischen Beste / Haben sie endlich so
weih gebracht / sie wieder in die Waw
ren gejacht / vnd das reihaus genommen.

39.

Nach solcher zeit sein sie geblieben / in
den verschlossenen Wällen / Das Rebel
sche Bier in sich gerieben / mit iren diebie
schen Gesellen / Das hat also zugetra
gen sich / bis in den Brachmont sage ich /
in diesem andern Jahre.

40.

Nun bdenck ein frommer Christ bey
sich / die grossen vbelthaten / Welche also
haben außgerichte / die Rebellischen Sol
daten / mit iren Hanefedern vnd Kossen /
das es Gott vnd Menschn verdrossen /
vnd nimmermehr zu verantworten ste
het.

41.

Weder Kirchn noch Schuln sie haben
verschout / in iren Sünden verblendet /
Priester vnd ehrliche Weiber verhönt /
haben sie mit gewalt geschendet / Gesto
ren / geraubt / gepründert / gebrandt / das

es

es gewesen Sünd vnd Schande / Gott
wird es aber wol rechnen.

42.

Jetzt kommen sie vnd geben für / vnd
thun es auch wol sagen / D; sie sich wol-
ten gern hinfür / mit irn Lands Fürsten
vertragen / Es möcht nun auffgehoben
sein / vnd alles beygelegt sein / was von
In wehr verrichtet.

43.

Fürwar / sag ich / ein schöner vertrag /
wirdt jetzt von euch begeret / So Geist:
vnd Weltsichs Recht nicht vermag / euch
auch nicht ist bescheret / Das Spiel ist ja
gefangen an / möcht wol ein andern auß-
gang han / wie vns die zeit wird leren.

44.

Ich weiß das ein gefangner Dieb / der
seinen Herrn gestolen / viel Korn / vnd
was im sonst war lieb / von seinem Haus
vnd Boden / Er wolt sich gern vertragen
mit im / wirdt abt geführt zum Galgen
hin / damit die Sach verglichen.

45.

Einmal ist das gewißlich wahr / vnd
zu

zeugen solches die Schrifften / das in et-
lich viel hundert Jar / zu Braunschweig
die löblichen Fürsten / Niemahls gehabt
schedliche Feindt / als jetzt die Bürger in
Braunschweig seind / dann sie im werck
beweisen. 46.

O Gott der Du ja richtest recht / vnd
Obigkeit thust sehen / straff dieses Vol-
ckes vntrew geschlecht / Ah an der Armut
schmerken / die vbelthaten die sie gethan /
die las Dir doch zu hergen gan / vnd thu
doch nun auff wachen.

47.
Du pflegst ja vbr Deim Wort zu
halten / Du gwaltiger Kriegesführer / die
sich da wieder sehen zerspalen / Straffe
diese gros Auffrörer / vnd nimb dich vn-
ser Obigkeit an / sey Du bey inen auff
dem Plan / in solchen guten sachen.

48.
Das teiff seuffzen der armen Leute /
thu Dich O Gott erbarmen / die so herr-
lichen sein betrübt / in diesem bösen lermē.
Gib das sie mögen Busse thun / oder die
Thran so die Leute thun / auff ire Seelen
brennen / Amen.

153336

AB 153 036 (1)

Nv 29 Hs
20. 567

3

ULB Halle
002 068 966



Sky 20

V1777



Faint handwritten text, possibly a library stamp or inventory number.

Faint handwritten text, possibly a library stamp or inventory number.

15





4

rl.
ren/
aupto
velg/
ger

ffger
sie

rg

5

